


049.2  
Sa594  




子 雜 家  
雜 說  
元 23



国立国会図書館 タイトル『三教妙述4集』 請求記号 049.2-Sa594

ガラス使用





国立国会図書館 タイトル『三教妙述4集』 請求記号 049.2-Sa594

ガラス使用



36481

049.2

Sa.594

祀典


章帝元和二年東狩過魯幸闕里以大牢祀孔子及七十二賢作六代之樂親御講堂命皇太子諸王說經帝時升廟西面立羣臣中庭北面皆再拜帝進爵而後坐大會孔氏男子二十以上者六十三人因謂孔僖曰今日之會寧於鄉宗有光乎對曰臣聞明王聖主莫不尊師貴道今陛下親屈萬乘辱臨闕里此乃崇禮先師增輝聖德至于光榮非所敢承帝笑曰非聖人子孫焉有斯言遂拜僖郎中并賜孔氏男女

祀典

元集

九十

97973





元集  
錢帛。詔僖從還京師。

梁元帝初在荊州起宣聖廟。州學置儒林叅軍一人。勸學從事二人。生徒三十人。加廩餼。帝攻書善畫。自圖畫聖像爲之贊。而書之時。人謂之三絕。

祭文

至正二年集賢學士郭孝基等致

祭

○唯王宗主名教。表正彝倫。竝日月明。同天地仁。畫萬古之夜。人四海之民。唯中國之爲中國。實有賴于斯文。欽惟皇上。念闕里爲毓聖之地。故特祭遣。一介之臣。香承手錫。酒分上尊。唯中書欽若。休命用敬。助相禮之錢緡。牲牢旣設。簠簋斯陳。神之格思。歆此明禋。



成化八年巡按山東監察御史林榮

告文

天地至大也。然西北或傾。東南或缺。則大者有時而窮。日月至明也。然既中必昃。既盈必食。則明者有時而晦。山嶽至高也。然高岸爲谷。深谷爲陵。則高者有時而卑。河海至深也。然瓠隄之決。桑田之變。則深者有時而竭。若夫至大而無窮。至明而無晦。高而不可卑。深而不可竭。其唯夫子乎。

成化十五年工部主事洪漢

告文

漢祇承

朝命來治漕河。自濟寧望曲阜。地方百里。由丁酉歷巳亥。歲忽三年。近聖人之居。若此其甚。飲洙泗之波。如彼其久。茲緣瓜期。行將申命。敢以牲幣庶羞之奠。恭詣

廟庭。用申虔告。

嘉靖十五年後學沈謐

告文



聖師道參天地。後世蒙其覆載而不知其恩。聖師明  
竝日月。後世被其照臨而不知其功。聖師之文章  
如星斗。江河從心所發。後世效之而不知其本。聖  
師之學如精金美玉。渾然天成。後世習之而不知  
其真。夷考當時及門之士。號稱傳得其宗者。不過  
顏曾思孟四公而已。嗣後寥寥。餘二千載。雖有英  
賢特達。後先倡明。此學賴以不墜。亦未見光顯透  
徹如聖師之精深神妙。化變無方者也。聖師在天  
之靈。能無悄悄不安矣乎。近得豪傑君子。履危當

險。深體聖師之心。闡揚致知之學。恍若聖師復生  
耳。提面命簡易直截。後之有志者。可以佩服終身。  
免其不著不察之患矣。末學小子。幸巡聖師之鄉。  
復沾闕里之化。誠千載一時佳期。難得徒巡人而  
不自察見聖而不克由。其得罪愈大矣。敢忘愚陋。  
卒業杏壇。凡有世情習態。消之未盡。克之未能者。  
聖師默祐扶翼。陰加劄悔。免爲聖門棄人。此小子  
日夕惓惓之心。死而後已者也。拜謁宮牆。不勝慨  
歎。無言之教。相信之誠。蓋有脈脈感通者。唯



聖師鑒察之。

嘉靖三十八年提督山東學校按察司副使孝豐吳

維嶽告文

聖道天然莫知所擬得門而入美富在是幼讀師書  
夢寐闕里迺獲來瞻云胡不喜唯師振鐸為絕學  
謀唯師泣麟為窮民憂師靈在天監觀于下何時  
易之還諸大雅小子踴涼攝教東方志欲起衰愧  
不成章

贊

○正考父贊

王粲

恂恂正父應德孔盛身為國卿族則公姓年在耆耄  
三葉聞政誰能不怠申茲約敬饘粥予口偃僕受命  
名書金鼎祚及後聖

○夫子贊

米芾

孔子孔子大哉孔子孔子以前既無孔子孔子以後  
更無孔子孔子孔子大哉孔子

○謁廟贊

甄曩佳台

山東  
僉事



贊  
天地吾知其大也。料數莫逃乎管圭。江河吾知其廣也。泳游不過乎航葦。吾夫子之德。不江不河。潤則有餘。非日非月。光無不及。儀範百王。憲章萬世。釋奠廟貌。不知其至。

○手植檜贊

米芾

締東皇養白日。御元氣昭道一。動化機此檜植。矯龍怪挺雄質。二千年敵金石。紕治亂如一。昔百代公蔭圭壁。

○手植檜聖像贊并序

元明善

乙巳冬拜林廟還。得手植檜把握許。就刻爲宣聖顏孟十哲像。且以文楷爲龕。

像出于手檜爲難。其得于煨燼之餘。又爲難。合是二難。宐爲儒家世寶。乃百拜而爲贊。體則微。理則全。望之儼然。就之溫然。見其參于前手。所植焉。形所寓焉。斂之管窺。浩浩其天。是倚以甘棠之賢。邪抑與夏鼎殷盤而傳也。

言偃贊

趙安仁

工部侍郎

魯堂登科。覩奧將聖。武城之小。可以觀政。澹臺之舉。



行不由徑。

○澹臺滅明贊

溫仲舒戶部尚書

不由徑行。其直可貴。不私見人。其公可畏。擊蛟是勇。毀壁是義。

○宓不齊贊

天生良材。為魯君子。堂上琴作。邑中民治。五人以勞。千載成美。

○曾點贊

丁謂

侍坐魯堂。各言爾志。舍瑟而對。超越冉季。浴沂舞雩。

自前道義。

、公西赤贊

王嗣宗行御史中丞

翊聖賢者。徂徠之英。謙言小相。終成大名。立朝儒雅。出使光榮。佐佑禮法。諸侯作程。

○卜商贊

文學之目。名重一時。為君子儒。作文侯師。不可後禮。始可言詩。

、左丘明贊

丁謂

猗與左氏。聞道素王。依經作傳。微旨用彰。詞有餘韻。



人希末光。

公羊高贊

晁迥 學士

高也解經。辨惑咸服。學宮所傳。齊名左轂。追獎肇封。宸心允屬。

穀梁赤贊

李宗諤 學士

仲尼修經。感麟絕筆。赤也發揮。奧義斯出。立學名家。道隆盛日。

伏勝贊

楊億

伏生明經。為秦博士。祖習微言。流離耄齒。壁藏其文。

口授厥旨。

荀况贊

名士

道德不明。邪說恣肆。著書蘭陵。持挈當世。別白是非。絲絡仁義。要諸仲尼。異乎不異。

周惇頤贊

朱仲晦

道喪千載。聖遠言湮。不有先覺。孰開我人。書不盡言。圖不盡意。風月無邊。庭草交翠。

程頤贊

前人

規圓矩方。繩直準平。亢矣君子。展也大成。布帛之文。





菽粟之味。知德者希。孰識其貴。

、張載贊

前人

蚤說孫吳。脫逃佛老。勇撤臯比。一變至道。精思力踐。妙契疾書。訂頑之訓。示我廣居。

○邵雍贊

前人

天挺人豪。英邁蓋世。駕風鞭霆。歷覽無際。手探月窟。足躡天根。閒中今古。醉裏乾坤。

、司馬光贊

前人

篤學力行。清修苦節。有德有言。有功有烈。深衣大帶。

張拱徐趨。遺像儼然。可敦薄夫。

○自贊

前人

從容乎禮法之場。沈潛乎仁義之府。是予蓋將有意焉。而力莫能與也。佩先師之格言。奉前烈之遺矩。唯闇然而日修。或庶幾乎斯語。

○朱熹贊

吳澄

義理玄微。繭絲牛毛。心胸開豁。海濶天高。豪傑之才。聖賢之學。景星慶雲。泰山喬嶽。

李卓吾曰。卽草廬文公先生贊。可以與文公竝享。

東亞研究所藏





兩廡矣。妙矣哉。繭絲牛毛。泰山喬嶽。八字法也。可謂最善名狀矣。夫兩廡之享不享。何關後賢事。所患者。以吾無可享之實也。使吾有可享之實。雖不與享。庸何傷。祇不免重增譏詆者之罪耳。然好譏詆者。原不畏罪也。夫譏詆者。既不畏罪。彼不與享者。又不相關。則恐泰山喬嶽。無以自安于兩廡之間而已。

銘

杏壇銘

高德裔 金刺史

周室下衰。王綱解紐。非大聖人。狂瀾莫救。天挺夫子。生民未有。立言範世。木舌金口。三千之徒。義由此受。我瞻遺壇。實為教首。萬代護持。天長地久。

魯壁銘

據山高。今為秦城。鑿池深。今為秦坑。城之高。今胡先壞。地之深。今胡先平。伊斯壁。今藏家書。歷秦亂。今猶不傾。壞之者。共王誦之者。伏生發典。謨訓誥之義。振

名

元集

九十九





金石絲竹之聲。如天地兮。否而後泰。如日月兮。晦而後明。秦之焚兮。未盡。我不爲燼。秦之坑兮。未得爾滅。其國江海涸竭。乾坤傾側。唯斯文兮。用之不息。

○詩禮堂銘

并序

李東陽

大學士

闕里孔廟之東。有詩禮堂。蓋舊名也。按察僉事黃君繡重建茲廟。嘗聞故衍聖公弘泰言。金章宗謁廟時。爲行幄以駐蹕。比去。有司請撤之。章宗云。留孔氏爲廷賓齋。遂止。勿撤。近燬于火。今稍移而東南數武許。加崇廣焉。因爲銘以遺今。

衍聖公聞韶俾識之。銘曰。

唯孔有庭。聖訓攸在。父立子過。其徒是賴。其訓維何。維詩及禮。手所刪定。教自家始。聖不可作。庭名固存。萬世是師。矧唯子孫。有齋延賓。金所駐蹕。彼夷則然。矧我中國。新廟旣闢。新堂亦遷。有來繩繩。世守勿愆。

○金絲堂銘

并引

前人

金絲堂。舊在孔廟左廡之東。東直井前。直詩禮堂。嘗掘地得石刻。知爲孔子故宅。蓋世所傳魯共王聞金石絲竹之聲者也。故歷代之樂器藏



于其間。比者廟燬而堂猶存。新廟之闢。堂地皆入左廡。金絲則移而西。與詩禮正相直。東陽旣各爲篆額。復爲銘。金絲之銘曰。維孔有宅。曰唯聖門。魯共何人。欲壞更存。維壁有書。四代之文。維堂有聲。八音是聞。此事茫昧。書則真有。有堂載新宅。固其舊聞。樂知德斯言。已久金絲在焉。名不可朽。昔堂在東。今堂在西。欲究厥初。視我銘詩。

詩

○唐玄宗皇帝

夫。子。何。爲。者。棲。棲。一。代。中。地。鄰。鄒。氏。邑。住。近。魯。王。宮。  
歎。鳳。嗟。時。否。傷。麟。怨。道。窮。今。看。兩。楹。奠。常。與。夢。相。同。

○謁聖廟

張說宰相

孔。聖。家。鄒。魯。儒。風。藹。典。墳。龍。驂。過。舊。宅。鳳。德。詠。餘。芬。  
入。室。神。如。在。升。堂。樂。自。聞。懸。知。一。王。法。今。日。侍。明。君。

張九齡

孔。廟。泰。山。下。不。見。登。封。時。徒。有。先。王。法。今。爲。後。主。思。

詩

七集

百乙



恩加萬乘幸。禮致一牢祠。舊宅千年外。光華今在茲。

斬人陳沂參政

○歎逝文猶在。哀窮道自尊。兩楹雖夢奠。百代仰生存。

圭壁榮鄴邑。宮牆阻叔孫。顧予千載後。亦造杏壇門。

谷平李中御史

橋上飲洙水。人間洗俗腸。欽承皇帝命。喜到聖人鄉。

風送鈞天樂。月明詩禮堂。幾年瞻望遠。今日拜門牆。

○手植檜

熊相

夫子庭前檜。傳來夫子栽。霜皮皆左紐。兵火有餘灰。

雨露依壇杏。闡于上石苔。斯文應未喪。重發待春來。

李東陽

○古木千年在林深。五月寒恩沾周雨。露儀識漢衣冠。

駐蹕亭猶峙。巢枝鳥未安。斷碑叢樹裏。無路可尋看。

○七言


李傑侍講

束髮瞻依道德光。于今始得拜門牆。誰期千百儒林。

老儼在三千。弟子行文廟。地靈松樹古。講壇春暖杏。

花香聖神此日應。昭假天子當廷遣奠章。

李兆先





○ 日○色○荒○涼○秋○氣○陰○斷○碑○遺○火○費○追○尋○空○亭○漫○駐○前○朝○  
蹕○敗○壁○希○聞○太○古○音○道○德○祇○應○天○作○配○衣○冠○時○有○士○  
如○林○宮○牆○不○逐○飛○煙○滅○依○舊○瞻○依○萬○仞○心○

林俊 尚書

○ 新○祠○古○木○絕○前○觀○入○室○翻○疑○老○去○難○萬○里○風○雲○在○平○  
地○一○天○星○斗○上○迴○欄○直○于○世○道○占○興○替○深○爲○  
吾○皇○繫○治○安○佇○結○未○由○今○借○幸○禮○成○還○覓○舊○碑○看○

○ 五言絕

程敏政

關○里○何○年○到○匆○匆○一○望○間○人○言○夫○子○塚○正○在○九○龍○山○

○ 七言絕句

夏寅

墳○寢○千○年○樹○百○尋○煙○雲○無○際○鳥○飛○沈○雖○然○弟○子○當○時○  
植○不○是○恩○深○不○到○今○

○ 奎文閣

陳祐

聖○道○如○天○不○可○階○斯○門○總○爲○後○人○開○它○時○點○檢○平○生○  
樂○首○憶○奎○文○閣○上○來○

○ 四十五代孫孔道輔二首

秦○火○自○焚○三○月○餘○獨○留○堂○壁○闕○家○書○典○墳○所○在○寧○無○  
意○非○是○共○王○好○治○居○




門有詩書總不華。素王留得好生涯。行人莫怪重回首。天下文章屬我家。

○七言古

濠人胡一化

魯城之阪夫子墓。萬木鬱蒼衝古路。防嶧諸巒盡拱。參五老嶙峋亦回顧。月明華表鶴遲歸。饗堂晝靜雲閒飛。隧道掩映檜栢裏。衣冠來往皆由此。岱宗巖巖發脈長。洙流合泗同一水。靈山名水兩纏綿。元氣氤氳幾許年。天啓斯文紹道統。地留故宅會良緣。緬思周季王澤竭。亂賊炬光誰撲滅。維時尼父應禱生日

麗中天還皎潔。極知至人迥絕倫。更聞至德必有鄰。從遊被化三千士。速肖傳心七十人。駢駢周道不停轂。歸與歸與樂教育。獲麟西狩已矣夫。兩楹夢奠壞梁木。馬鬣其封形歸然。子左為昭孫右穆。駐蹕名亭紀幸遊。廬舍有基再修築。子孫振振復繩繩。蓬顆纍纍爭相族。以嗣以續雲仍來。春雨秋霜祀禋肅。仰瞻遺澤藹芬馨。今古佳城稱最獨。嗚呼聖人一去二千載。墓也迄今乃在茲。不見聖人見其墓。悠哉何已羹牆思。蹲峙德容昭陟降。此心儼若生存時。徘徊盛跡





言  
元集  
動長喟。何事榛除鳥別枝。大道運行寄身後。異端芟艾鳳來儀。道不朽。今地自若。魯陵幾見黍離離。

○辯正孔渚表

臣妾任氏聞菽自菽。麥自麥。雖后稷之聖。不能化穗。以成芒。渭自渭。涇自涇。雖大禹之神。不能變清而爲濁。蓋天理有不移之義。豈聖門容異姓之人。伏念臣妾之於孔渚。乃五十一代襲封衍聖公孔元措之耳。孫五十二代襲封衍聖公孔之固之冢嗣。生長從于稚齒。提挈至于成人。有美維髯遺印在耳。雖云庶出。實係長房。爲經版蕩以來。遂失過庭之訓。以致宗族。閔議詞訟無休。吾道于是乎不光。祀事以之而大缺。



肝心殞裂。泣涕無從。但以名隸寡妻。身當圯族。抱閨門之戚戚。望天闕之悠悠。所積瀰漫。何由控懇。必遇清明之世。能平精衛之冤。茲者伏遇上天眷命。皇帝陛下。龍飛九五。運應一千。始爲儒教大宗師。今作中原聖天子。乾坤浩浩。一新汙俗之餘。日月煌煌。照被覆盆之下。無淹不振。有廢皆興。顧唯孔氏之家。實生民之望。千七百載。厥聞愈彰。五十三傳。其直如矢。自相沿于百代。曾莫紊于一朝。至于賢與不賢。在。人品高低之不一。嫡仍復嫡。見天心付與之分明。方

當朝廷甫定之秋。適屬士論向公之日。伏唯

陛下俯垂昭鑒。大廓聖源。因之以禮義之方。加之以師傳之職。有教固無類也。見賢然後用之。上可以立皇朝繼絕之良規。下可以導聖祀無窮之正派。雖文昭武穆。不幸有幽厲之衰。奈丹朱商均。未害爲堯舜之後。自唯螻蟻。輒犯雷霆。



○商銘


嗛、嗛、之、德、不、足、就、也。不、可、以、矜、而、祇、取、憂。叶嗛、嗛、之、食、不、足、扭、也。不、能、爲、膏、而、祇、離、咎。

○武王盥盤銘

與、其、溺、于、人、也。寧、溺、于、淵。溺、于、淵、猶、可、游、也。溺、于、人、不、可、救、也。

○杖銘

惡、乎、危、於、忿、戇。智惡、乎、失、道、於、嗜、慾。惡、乎、相、忘、於、富、貴。





○戶銘

夫名難得而易失。無勤弗志。而曰我知之乎。無勤弗及。而曰我杖之乎。擾阻以泥之。若風將至。必先搖搖。雖有聖人。不能為謀也。

○筆銘

毫毛茂茂。陷水可脫。陷文不活。

○書車

自致者急。載人者取。欲無度。自致而反。

○太子晉轡之柔

馬之剛矣。轡之柔矣。馬亦不剛。轡亦不柔。志氣靡靡。取與不疑。

○鄒衍引古語

截趾適履。孰云其愚。何與斯人。追欲喪軀。

○淮南子堯戒


戰戰慄慄。日謹一日。人莫躓于山。而躓于垤。

○鼓缶

君子有酒。小人鼓缶。雖不見好。亦不見醜。

○烏鵲歌

韓馮妻何氏





南山有鳥。北山張羅。鳥自高飛。羅當奈何。

○大風歌

漢高帝

大風起兮雲飛揚。威加海內兮歸故鄉。安得猛士兮守四方。

○鴻鵠歌

前人

鴻鵠高飛。一舉千里。羽翼已就。橫絕四海。橫絕四海。又可奈何。雖有矰繳。將安所施。

○秋風辭

漢武帝

秋風起兮白雲飛。草木黃落兮鴈南歸。蘭有秀兮菊

有芳。懷佳人兮不能忘。汎樓舫兮濟汾河。橫中流兮揚素波。簫鼓鳴兮發棹擢歌。歡樂極兮哀情多少。壯幾時兮奈老何。

○怨歌行

班婕妤

新裂齊紈素。皎潔如霜雪。裁爲合歡扇。團團似明月。出入君懷袖。動搖微風發。常恐秋節至。涼颺奪炎熱。弃捐篋笥中。恩情中道絕。

○古怨歌

竇玄妻

皚皚白兔。東走西顧。衣不如新人。不如故。



○長歌行

青青園中葵。朝露待日晞。陽春布德澤。萬物生光輝。  
常恐秋節至。焜黃華葉衰。百川東到海。何時復西歸。  
少壯不努力。老大徒傷悲。

○君子行

君子防未然。不處嫌疑間。瓜田不納履。李下不正冠。  
嫂叔不親授。長幼不比肩。勞謙得其柄。和光甚獨難。  
周公下白屋。吐哺不及餐。一沐三握髮。後世稱聖賢。

○紫芝歌

四皓

莫莫高山。深谷逶迤。曄曄紫芝。可以療饑。唐虞世遠。  
吾將安歸。駟馬高蓋。其憂甚大。富貴之畏人。今不如。  
貧賤之肆志。

○古詩

採葵莫傷根。傷根葵不生。結交莫羞貧。羞貧交不成。


○古樂府

蘭草自然香。生于大道傍。腰鎌八九月。俱在束薪中。

○遠遊與朋友別

蘇子卿

燭燭晨明月。馥馥秋蘭芳。芬馨良夜發。隨風聞我堂。





言  
元集  
征夫懷遠路。遊子戀故鄉。寒冬十二月。晨起踐嚴霜。  
俯觀江漢流。仰視浮雲翔。良友遠別離。各在天一方。  
山海隔中州。相去悠且長。嘉會難再過。歡樂殊未央。  
願君崇令德。隨時愛景光。

○出使別弟作

前人

骨肉緣枝葉。結交亦相因。四海皆兄弟。誰爲行路人。  
況我連枝樹。與子同一身。昔爲鴛與鴦。今爲參與辰。  
昔者常相近。邈若胡與秦。唯念當乖離。恩情日以新。  
鹿鳴思野草。可以喻嘉賓。我有一尊酒。欲以贈遠人。

願子留斟酌。敘此平生親。

○出使時與妻別作

前人

結髮爲夫妻。恩愛兩不疑。歡娛在今夕。燕婉及良時。  
征夫懷往路。起視夜何其。參辰皆已沒。去去從此辭。  
行役在戰場。相見未有期。握手一長歎。淚爲生別滋。  
努力愛春華。莫忘歡樂時。生當復來歸。死當長相思。

○歸自匈奴與李陵別

前人

黃鵠一遠別。千里顧徘徊。胡馬失其羣。私心常依依。  
何況雙飛龍。羽翼臨當乖。幸有絃歌曲。可以喻中懷。



請為遊子吟。冷冷一何悲。絲竹厲清聲。慷慨有餘哀。  
長歌正激烈。中心愴以摧。欲展清商曲。念子不能師。  
俛仰內傷心。淚下不可揮。願為雙黃鵠。送子俱遠飛。

○與蘇武詩三首

李少卿

良時不再至。離別在須臾。屏營衢路側。執手野踟躕。  
傾視浮雲馳。奄忽互相踰。風波一失所。各在天一隅。  
長當從此別。且復立斯須。欲因晨風發。送子以賤軀。

○其二


携手上河梁。游子暮何之。徘徊蹊路側。恨恨不得辭。  
行人難久留。各言長相思。安知非日月。弦望自有時。  
努力崇明德。皓首以為期。

○其三

嘉會難再遇。三載為千秋。臨河濯長纓。念子悵悠悠。  
遠望悲風至。對酒不能酬。行人懷往路。何以慰我愁。  
獨有盈觴酒。與子結綢繆。

○陵起舞

徑萬里兮度沙幕。為君將兮奮匈奴。路窮絕兮矢刃  
摧。士眾滅兮名已隕。老母已死。雖欲報恩。將安歸。





詩  
元集  
○薤露歌

本田橫門人歌以葬田橫。漢武時李延年分爲二曲。薤露送王公。蒿里送大夫士。庶挽柩者歌之。爲之挽柩歌。又左氏春秋齊將與吳戰于艾陵。公孫夏使其徒歌虞殯。則喪歌舊矣。非始于田橫也。

薤上露何易晞。露晞明朝更復落。人死一去何時歸。  
○蒿里曲

蒿里誰家地。聚斂魂魄無賢愚。鬼伯一何相催促。人命不得少踟躕。

、張堪歌

桑無附枝。麥穗兩岐。張君爲政。樂不可支。

、鮑司隸歌

鮑宣子。永永子。豈三世爲司隸。同乘一驄馬。鮑氏驄。三人司隸。再入公馬。雖瘦行步工。

、廉范歌

成都有火災。舊制禁民夜作。而更相隱蔽。焚燒益甚。范削去前禁。但使儲水。民便之。



廉叔度來何暮。不禁火安作。昔無襦。今五袴。

范丹歌

遭黨禁時。推鹿車。載妻子。拮拾自給。

甑中生塵。范史雲。金中生魚。范萊蕪。

朱暉歌

疆直自遂。南陽朱季。吏畏其威。民懷其惠。

洛陽令歌

祝良字石卿。爲洛陽令。天子祈雨不得。良暴身

階庭。告誠引罪。自辰至中。紫雲沓起。甘雨隨至。

天久不雨。蒸人失所。天王自出。祝令特苦。精符感應。

滂沱下雨

成帝時謠

邪徑敗良田。讒言亂善人。桂樹華不實。黃爵巢其顛。

昔爲人所羨。今爲人所憐。

武溪深行

馬援南征。有門人李寄生。善吹笛。援作歌。令寄

生吹笛和之。

滔滔武溪。一何深。鳥飛不度。獸不敢臨。嗟哉武溪多



壽征。

樓谷歌

谷子雲筆札。樓君卿唇舌。

疾邪詩二首

趙壹

河清不可俟。人命不可延。順風激靡草。富貴者稱賢。文籍雖滿腹。不如一囊錢。伊優北堂上。抗麟倚門邊。

其二


執家多所宜。欬唾自成珠。被褐懷金玉。蘭蕙化為芻。賢者雖獨悟。所困在羣愚。且各守尔分。勿復空馳驅。

哀哉復哀哉。此是命矣夫。

○仲公理樂志詩 按

公理卽長統。統育樂志論也。

飛鳥遺跡。蟬脫亡殼。騰蛇棄鱗。神龍喪角。至人能變。達士拔俗。乘雲無轡。騁風無足。垂露成帷。張霄成幄。沆瀣當餐。九陽代燭。恒星豔珠。朝霞潤玉。六合之內。恣心所欲。人事可遺。何爲局促。天道雖夷。見幾者寡。任意無非。適物無可。古來繞繞。委曲如瑣。百慮何爲。至要在我。寄愁天上。埋憂地下。叛散五經。滅弃風雅。





百家雜碎。請用從火。抗志山栖。游心海左。元氣爲舟。微風爲楫。敖翔太清。縱意容冶。

○悲憤詩二首

蔡琰

漢季失權柄。董卓亂天常。志欲圖篡弒。先害諸賢良。逼迫遷舊邦。擁主以自彊。海內興義師。欲共討不祥。卓眾來東下。金甲耀日光。平土人脆弱。來兵皆胡羌。獵野圍城邑。所向悉破亡。斬截無孑遺。尸骸相掌拒。馬邊縣男頭。馬後載婦女。長驅西入關。迥路險且阻。還顧邈冥冥。肝脾爲爛腐。所畧有萬計。不得令屯聚。

或有骨肉俱。欲言不敢語。失意幾微間。輒言斃降虜。要當以亭刃。我曹不活汝。豈復惜性命。不堪其詈罵。或便加捶杖。毒痛參井下。旦則號泣行。夜則悲吟坐。欲死不能得。欲生無一可。彼蒼者何辜。乃遭此厄禍。邊荒與華異。人俗少義理。處所多霜雪。胡風春夏起。翩翩吹我衣。蕭蕭入我耳。感時念父母。哀歎無窮已。有客從外來。聞之常歡喜。迎問其消息。輒復非鄉里。邂逅徼時願。骨肉來迎已。已得自解免。當復棄兒子。天屬綴人心。念別無會期。存亡永乖隔。不忍與之辭。

詩

元集

百十六





言  
見前抱我頸問母欲何之人言母當去豈復有還時  
阿母常仁惻今何更不慈我尚未成人奈何不顧思  
見此崩五內恍惚生狂痴號泣手撫摩當發復回疑  
兼有同時輩相送告離別慕我獨得歸哀叫聲摧裂  
馬爲立踟躕車爲不轉轍觀者皆獻歎行路亦嗚咽  
去去割情戀遙征日遐邁悠悠三千里何時復交會  
念我出腹子胸臆爲摧敗既至家人盡又復無中外  
城郭爲山林庭宇生荆艾白骨不知誰縱橫莫覆蓋  
出門無人聲豺狼號且吠熒熒對孤景怛怛糜肝肺

登高遠眺望魂神忽飛逝奄若壽命盡旁人相寬大  
爲復強視息雖生何聊賴託命于新人竭心自最厲  
流離成鄙賤常恐復捐廢人生幾何時懷憂終年歲

○其二

嗟薄祐兮遭世患宗族珍兮門戶單身執畧兮入西  
關歷險阻兮之羌蠻山谷眇兮路漫漫眷東顧兮但  
悲歎冥當寢兮不能安飢當食兮不能餐常流涕兮  
皆不乾薄志節兮念死難雖苟活兮無形顏唯彼方  
兮遠陽精陰氣凝兮雪夏零沙漠壅兮塵冥冥有草



木兮春不榮。人似禽兮食臭腥。言兜離兮狀窈停。歲  
聿暮兮時邁征。夜悠長兮禁門扃。不能寐兮起屏營。  
登胡殿兮臨廣庭。玄雲合兮翳月星。北風厲兮肅冷。  
冷胡笳動兮邊馬鳴。孤雁歸兮聲嚶嚶。樂人興兮彈  
琴。箏音相和兮悲且清。心吐思兮胸憤盈。欲舒氣兮  
恐彼驚。含哀咽兮涕沾頸。家既迎兮當歸寧。臨長路  
兮捐所生。見呼母兮啼失聲。我掩耳兮不忍聽。追持  
我兮走瑩瑩。頓復起兮毀顏形。還顧之兮破人情。心  
恒絕兮死復生。

○胡笳十八拍


前人

其一

我生之初尚無爲。我生之後漢祚衰。天不仁兮降亂  
離。地不仁兮使我逢此時。干戈日尋兮道路危。民卒  
流亡兮共哀悲。煙塵蔽野兮胡虜盛。志意乖兮節義  
虧。對殊俗兮非我安。遭惡辱兮當告誰。笳一會兮琴  
一拍。心憤怨兮無人知。

其二

戎羯逼我兮爲室家。將我行兮向天涯。雲山萬重兮





歸路遐。疾風千里兮揚塵沙。人多暴猛兮如虺蛇。控  
弦被甲兮爲驕奢。兩拍張絃兮絃欲絕。志摧心折兮  
自悲嗟。

○其三

越漢國兮入胡城。亡家失身兮不如無生。羶裘爲裳  
兮骨肉震驚。羯羶爲味兮柱遏我情。鞞鼓喧兮從夜  
達明。胡風浩浩兮暗塞營。傷今感昔兮三拍成。銜悲  
畜恨兮何時平。

○其四

無日無夜兮不思我鄉土。稟氣含生兮莫過我最苦。  
天災國亂兮人無主。唯我薄命兮沒戎虜。殊俗心異  
兮身難處。嗜欲不同兮誰可與語。尋思涉歷兮多艱  
阻。四拍成兮益悽楚。

其五

鴈南征兮欲寄邊聲。鴈北歸兮爲得漢音。鴈飛高兮  
邈難尋。空斷腸兮思悵悵。攢眉向月兮撫雅琴。五拍  
冷冷兮意彌深。

○其六



詞  
元集  
冰霜凜凜兮身苦寒。飢對肉酪兮不能餐。夜聞隴水兮聲嗚咽。朝見長城兮路杳漫。追思往日兮行李難。六拍悲來兮欲罷彈。

○其七

日暮風悲兮邊聲四起。不知愁心兮說向誰是。原野蕭條兮烽戍萬里。俗賤老弱兮少壯爲美。逐有水草兮安家葺壘。牛羊滿野兮聚如蜂蟻。草盡水竭兮牛馬皆徙。七拍流恨兮惡居于此。

○其八

爲天有眼兮何不見我。獨漂流爲神有靈兮何事處我。天南海北頭我不負天兮。天何配我殊匹。我不負神兮神何殛我。越荒州製茲八拍兮。擬俳優何知曲成兮。心轉愁。

○其九

天無涯兮地無邊。我心愁兮亦復然。人生倏忽兮如白駒之過隙。然不得歡樂兮當我之盛年。怨兮欲問天天蒼蒼兮上無緣。舉頭仰望兮空雲烟。九拍懷情兮誰與傳。



○其十

城頭烽火不曾滅。疆場征戰何時歇。殺氣朝朝衝塞門。胡風夜夜吹邊月。故鄉隔兮音塵絕。哭無聲兮氣將咽。一生辛苦緣離別。十拍悲深兮淚成血。

○其十一


我非貪生而惡死。不能捐身兮心有以。生仍冀得兮歸桑梓。死當埋骨兮長已矣。日居月諸兮在戎壘。胡人寵我兮有二子。鞠之育之兮不羞恥。愍之念之兮生長邊鄙。十有一拍兮因茲起。哀響纏綿兮徹心髓。

○其十二

東風應律兮暖氣多。知是漢家天子兮布陽和。羌胡蹈舞兮共謳歌。兩交懽兮罷兵戈。忽遇漢使兮稱近詔。遣千金兮贖妾身。喜得生還兮逢聖君。嗟別稚子兮會無因。十有二拍兮哀樂均。去住兩情兮難具陳。

○其十三

不謂殘生兮却得旋歸。撫抱胡兒兮泣下沾衣。漢使迎我兮四牡騑騑。號失聲兮誰得知。與我生死兮逢此時。愁為子兮日無光輝。焉得羽翼兮將汝歸。一步





一遠兮足難移。覓消影絕兮恩愛遺。十有三拍兮絃  
急調悲肝腸攪刺兮人莫我知。

○其十四

身歸國兮見莫知隨。心懸懸兮長如飢。四時萬物兮  
有盛衰唯我愁苦兮不暫移。山高地濶兮見汝無期。  
更深夜闌兮夢汝來斯。夢中執手兮一喜一悲。覺後  
痛吾心兮無休歇時。十有四拍兮涕淚交垂。河水東  
兮心是思。

十五

十五拍兮節調促。氣填胸兮誰識曲。處穹廬兮偶殊  
俗。願得歸來兮天從欲。再還漢國兮懽心足。心有懷  
兮愁轉深。日月無私兮曾不照臨。子母分離兮意難  
任。同天隔越兮如商參。生死不相知兮何處尋。

○其十六

十六拍兮思茫茫。我與兒兮各一方。日東月西兮徒  
相望。不得相隨兮空斷腸。對萱草兮憂不忘。彈鳴琴  
兮情何傷。今別子兮歸故鄉。舊怨平兮新怨長。泣血  
仰頭兮訴蒼蒼。胡爲生兮獨罹此殃。



○其十七

十七拍兮心鼻酸。關山阻修兮行路難。去時懷土兮心無緒。來時別兒兮思漫漫。塞上黃蒿兮枝枯葉乾。沙場白骨兮刀痕箭瘢。風霜凜凜兮春夏寒。人馬飢。厖兮筋力單。豈知重得兮入長安。歎息欲絕兮淚闌干。

○其十八

胡笳本出自胡中。緣琴翻出音調同。十八拍兮曲雖終。響有餘兮思無窮。是知絲竹微妙兮均造化之功。哀樂各隨人心兮有變則通。胡與漢兮異域殊風。天與地隔兮子西母東。苦我怨氣兮浩于長空。六合雖廣兮受之應不容。

○此皆蔡伯喈之女所作也。流離鄙賤。朝漢暮羗。雖絕世才學。亦何足道。余故詳錄以示學者。見生世之苦如此。欲無入而不自得焉。雖聖人亦必不能云耳。讀之令人悲歎哀傷。五內欲裂。況身親爲之哉。際此時。唯有一死快當。然而曰薄志節兮念死難。則亦真情矣。故唯聖人乃能處死不以必死勸。



人我願學者再三吟哦則朝聞夕死何謂其不可也乎哉

○孔北海臨終詩

生存多所慮長寢萬事畢

○梁父吟

孔明

齊景公有勇士陳開疆古冶子公孫捷三人晏嬰曰大王摘二桃自食其一各令說功功高者賜一桃陳與古二人受桃食之公孫捷自刎陳與古俱慙亦從刎死

步出齊城門遙望蕩陰里里中有三墳累累正相似問是誰家冢田疆古冶氏力能排南山文能絕地理一朝被讒言二桃殺三士誰能爲此謀相國齊晏子

○土不同

魏武帝

鄉土不同河朔隆寒流澌浮漂舟船行難雖不入地豐籟深奧水竭不流冰堅可蹈

○度關山

前人

舜漆食器畔者十國不及唐堯采椽不斷

○丹霞蔽日

魏文帝



丹霞蔽日。采虹垂天。谷水潺潺。木落翩翩。孤禽失羣。悲鳴雲間。月盈則冲。華不再繁。古來有之。嗟我何言。

○月重輪

前人

三辰垂光照臨四海。煥哉何煌煌。悠悠與天地久長。愚見目前。聖觀萬年。明闇相絕。何可勝言。

○飛龍篇

陳思王

晨遊太山。雲霧窈窕。忽逢二童。顏色鮮好。乘彼白鹿。手翳芝草。我知真人。長跪問道。西登玉堂。金樓複道。授我仙藥。神皇所造。教我服食。還精補腦。壽同金石。

永世難老


○善哉行

前人

來日大難。口燥唇乾。今日相樂。皆當喜歡。解一經歷名山。芝草翩翩。仙人王喬。奉藥一丸。解二自惜袖短。內手知寒。慙無靈轍。以救趙宣。解三月沒參橫。北斗闌干。親友在門。饑不及餐。解四歡日尚少。戚日苦多。何以解憂。彈箏酒歌。解五淮南八公。要道不煩。參駕六龍。遊戲雲端。

吁嗟篇

前人





言  
吁嗟此轉蓬。居世何獨然。長去本根逝。夙夜無休閒。  
東西經七陌。南北越九阡。卒遇回風起。吹我入雲間。  
自謂終天路。忽然下沈泉。驚飈接我去。故歸彼中田。  
當南而更北。謂東而反西。流轉無恒處。誰知吾苦艱。  
願爲中林草。秋隨野火燔。糜滅豈不痛。願與根荄連。

○野田黃雀行

前人

高樹多悲風。海水揚其波。利見不在掌。結友何須多。  
不見籬間雀。見鷄自投羅。羅家得雀喜。少年見雀悲。  
拔劍捎羅網。黃雀得飛飛。飛摩蒼天來。下謝少年。

○七步詩

前人

煮豆燃豆其。豆在金中泣。本是同根生。相煎何太急。

○燕歌行

魏明帝

白日晼晼忽西傾。霜露慘淒塗階庭。秋草捲葉摧枝。  
莖翩翩飛蓬常獨征。有似遊子不遑寧。

○七哀詩

王粲

西京亂無象。豺虎方遘患。復棄中國去。委身適荆蠻。  
親戚對我悲。朋友相追扳。出門無所見。白骨蔽平原。  
路有飢婦人。抱子棄草間。顧聞號泣聲。揮涕獨不還。



言 元集

未知身死處。何能兩相完。驅馬奔之去。不忍聽此言。南登霸陵岸。回首望長安。悟彼下泉人。喟然傷心肝。

○詠懷七首 阮嗣宗

天馬出西北。由來從東道。春秋非有託。富貴焉常保。清露被皐蘭。凝霜沾野草。朝為媚少年。夕暮成醜老。自非王子晉。誰能長美好。

○其二

平生少年時。輕薄好絃歌。西遊咸陽中。趙李相經過。娛樂未終極。白日忽蹉跎。驅馬復來歸。反顧望三河。

黃金百鎰盡。資用常苦多。北臨太行道。失路將如何。


○其三

湛湛長江水。上有楓樹林。皐蘭被徑路。青驪逝駸駸。遠望令人悲。春氣感我心。三楚多秀士。朝雲進荒淫。朱華正芬芳。高蔡相追尋。一為黃雀哀。淚下誰能禁。

○其四

昔年十四五。志尚好詩書。被褐懷珠玉。顏閔相與期。開軒臨四野。登高望所思。丘墓蔽山岡。萬代同一時。千秋萬歲後。榮名安所之。乃悟羨門子。嚶嚶令自嗤。

元集 一百二十七





○其五

駕言發魏都。南向望吹臺。簫管有遺音。梁王安在哉。  
戰士食糠糟。賢者處蒿萊。歌舞曲未終。秦兵已復來。  
夾林非吾有。采宮生塵埃。軍敗華陽下。身竟為土灰。

○其六

炎光延萬里。洪光蕩湔瀨。彎弓掛扶桑。長劍倚天外。  
泰山成砥礪。黃河為裳帶。視彼莊周子。榮枯何足賴。  
捐身弃中野。烏鳶作患害。豈若雄傑士。功名從此大。

○其七

少年學擊劍。妙技過曲城。英風截雲霓。超世發奇聲。  
揮劍臨沙漠。飲馬九野坳。旗幟何翩翩。但聞金鼓鳴。  
軍旅令人悲。烈烈有哀情。念我平常時。悔恨從此生。

○陵峰採藥

帛道猷

連峯數千里。修林帶平津。雲過遠山翳。風至梗荒榛。  
茅茨隱不見。雞鳴知有人。閒步踐其徑。處處見遺薪。  
始知百代下。故有上皇民。

○寶劍

吳均

我有一寶劍。出自昆吾溪。照人如照水。切玉如切泥。

詩

元集

百二十八



言  
鐫邊霜凜凜。匣上風淒淒。寄語張公子。何當來見携。

○詔問山中何所有答

陶弘景

山中何所有。嶺上多白雲。只可自怡說。不堪持寄君。

○入隋侍宴應詔作

陳後主

日月光天德。山河壯帝居。太平無以報。願上東封書。

○易水送別

駱賓王

此地別燕丹。壯士髮衝冠。昔時人已沒。今日水猶寒。

○題袁氏別業

賀知章

主人不相識。偶坐爲林泉。莫謾愁沽酒。囊中自有錢。

○春曉

孟浩然

春眠不覺曉。處處聞啼鳥。夜來風雨聲。花落知多少。

○秋浦歌

李白

白髮三千丈。緣愁似箇長。不知明鏡裏。何處得秋霜。

○憶東山

不向東山久。薔薇幾度花。白雲還自散。明月落誰家。

○鹿柴

王摩詰

空山不見人。但聞人語響。返景入深林。復照青苔上。

○竹里館

詩

元集

百二十九



言  
獨坐幽篁裏。彈琴復長嘯。深林人不知。明月來相照。

○詠史

高適

尚有綈袍贈。應憐范叔寒。不知天下士。猶作布衣看。

○登鶴雀樓

王之渙

白日依山盡。黃河入海流。欲窮千里目。更上一層樓。

○汾上驚秋

蘇頲

北風吹白雲。萬里度河汾。心緒逢搖落。秋聲不可聞。

○平蕃曲

王昌齡

絕漠大軍還。平沙獨戍閒。空留一片石。萬古在燕山。

○罷相作

李適之

避賢初罷相。樂聖且銜杯。為問門前客。今朝幾箇來。

○聞鴈

韋應物

故園眇何處。歸思方悠哉。淮南秋雨夜。高齋聞鴈來。

○聽江笛送陸侍御

遠聽江上笛。臨觴一送君。還愁獨宿夜。更向郡齋聞。

○江行

錢起

咫尺愁風雨。匡廬不可登。祇疑雲霧窟。猶有六朝僧。

○江雪

柳宗元

詩

元集

乙百三十



千山鳥飛絕。萬徑人蹤滅。孤舟蓑笠翁。獨釣寒江雪。

○秋風

劉禹錫

何處秋風至。蕭蕭送鴈羣。朝來入高樹。孤客最先聞。

○塞下曲

許渾

夜戰桑乾北。秦兵半不歸。朝來有鄉信。猶自寄征衣。

○宮中題

文宗皇帝

輦路生秋草。上林花滿枝。憑高何限意。無復侍臣知。

○訪羊尊師不遇

孫革

松下問童子。言採藥去。只在此山中。雲深不知處。

、答人

太上隱者

偶來松樹下。高枕石頭眠。山中無曆日。寒盡不知年。

○哥舒歌

西鄙人

北斗七星高。哥舒夜帶刀。至今窺牧馬。不敢過臨洮。

○懊儂歌

劉基


白惡養雛時。夜夜啼達曙。如何羽翼成。各自東西去。

○薤露歌

人生無百歲。百歲復如何。古來英雄士。俱已歸山阿。

○阿那壞

高啟





言  
元集  
牛羊草漫野。大帳天山下。十萬控弦兒。聞笳齊上馬。

○花開

楊基

花開醉不休。花謝莫深愁。縱使花常在。東風也白頭。

○京師得家書

劉崧

江水三千里。家書十五行。行行無別語。只道早還鄉。

○山居

劉球

水抱孤村遠。山通一徑斜。不知深樹裏。還住幾人家。

○雲林書屋

高壁

漠漠山中雲。藹藹雲中樹。不聞絃誦聲。那知有人住。

○結客少年場行

李夢陽

燈如列宿行。月似九秋霖。各携萬金劍。結客少年場。

○開元寺

瀑布半天上。飛響落人間。莫言此潭小。搖動匡廬山。

○江行雜詩

日出青蘋濕。江渾路不分。昨宵驅雨至。知是海南雲。

○隴頭水

徐禎卿

磨刀隴水頭。刀澁指爪柔。將刀割斷水。那用東西流。

○送劉約中之金陵

邊貢

詩

元集

百三十二



言  
君到石城邊。應看石城樹。樹杪百尺臺。是儂行樂處。

○竹徑

唐順之

四面隔深竹。茅齋在何處。遙聞犬吠聲。試從此路去。

○寄殿卿

李攀龍

一作山中客。蓬蒿自滿廬。舊遊誰獨往。新著復何書。

○酬郭子坤感懷

若問浮生事。風塵病裏過。開樽看漸少。伏枕似還多。

○下第還鄉

許邦才

鶯花愁旅客。風雨逼清明。向曉擔空笈。蕭然出鳳城。

○聞鴈憶弟子培

宗臣

秋雨千峯散。寒雲萬里開。不知天際鴈。幾日故園來。

○蜀中九日

王勃

九月九日望鄉臺。他席他鄉送客杯。人情已厭南中

苦。鴻鴈那從北地來。

○渡湘江

杜審言

遲日園林悲昔遊。今春花鳥作邊愁。獨憐京國人南

竄。不似湘江水北流。


○邙山

沈佺期

詩

沈佺期

五言古





北邙山上列墳坐萬古千秋對洛城城中日夕歌鐘  
起山上唯聞松栢聲

○涼州詞

王翰

蒲桃美酒夜光杯欲飲琵琶馬上催醉臥沙場君莫  
笑古來征戰幾人迴

○客中行

李白

蘭陵美酒鬱金香玉盃盛來琥珀光但使主人能醉  
客不知何處是他鄉

○聞王昌齡左遷龍標尉遙有此寄

楊花落盡子規啼聞道龍標過五谿我寄愁心與明  
月隨風直到夜郎西

○黃鶴樓送孟浩然之廣陵

故人西辭黃鶴樓烟花三月下揚州孤帆遠影碧空  
盡唯見長江天際流

○陪族叔卬部侍郎曄及中書舍人賈至同遊洞庭

湖

洞庭西望楚江分水盡南天不見雲日落長沙秋色  
遠不知何處吊湘君

詩

元集

百三十四



○早發白帝城

朝辭白帝彩雲間。千里江陵一日還。兩岸猿聲啼不住。輕舟已過萬重山。

○與史郎中欽聽黃鶴樓上吹笛

一爲遷客去長沙。西望長安不見家。黃鶴樓中吹玉笛。江城五月落梅花。

○春夜洛城聞笛

誰家玉笛暗飛聲。散入春風滿洛城。此夜曲中聞折柳。何人不起故園情。

○出塞行

王昌齡

白草原頭望京師。黃河水流無盡時。秋天曠野行人絕。馬首東來知是誰。

○從軍行

秦時明月漢時關。萬里長征人未還。但使龍城飛將在。不教胡馬度陰山。

○寄穆侍御出幽州

一從恩譴度瀟湘。塞北江南萬里長。莫道薊門書信少。鴈飛猶得到衡陽。

詩

元集

百三十五



少年行

王維

新豐美酒斗十千。咸陽遊俠多少年。相逢意氣爲君飲。繫馬高樓垂柳邊。

○與盧員外象過崔處士興宗林亭

綠樹重陰蓋四隣。青苔日厚自無塵。科頭箕踞長松下。白眼看他世上人。

○送元二使安西

渭城朝雨裊輕塵。客舍青青柳色新。勸君更盡一杯酒。西出陽關無故人。

○昔蒼峰寄家人

岑參

昔蒼峰邊逢立春。胡蘆河上淚沾巾。閨中只是空相憶。不見沙場愁殺人。

○玉關寄長安主簿

東去長安萬里餘。故人那惜一行書。玉關西望腸堪斷。況復明朝是歲除。

○逢入京使

故園東望路漫漫。雙袖龍鐘淚不乾。馬上相逢無紙筆。憑君傳語報平安。



言  
元集  
○赴北庭度隴思家  
西向輪臺萬里餘。也知鄉信日應疎。隴山鸚鵡能言  
語。爲報家人數寄書。

○除夜作

高適

旅館寒燈獨不眠。客心何事轉悽然。故鄉今夜思千  
里。霜鬢明朝又一年。

○涼州詞

王之渙

黃河遠上白雲間。一片孤城萬仞山。羌笛何須怨楊  
柳。春光不度玉門關。

○軍城早秋

嚴武

昨夜秋風入漢關。朔雲邊月滿西山。更催飛將追驕  
虜。莫遣沙場匹馬還。

○宴城東庄

崔敏重

一年又過一年春。百歲會無百歲人。能向花中幾回  
醉。十千沽酒莫辭貧。

○胡笳曲

盧中集

月明星稀霜滿野。羶車夜宿陰山下。漢家自失李將  
軍。單于公然來牧馬。



○冬

盧弼

朔風吹雪透刀瘢。飲馬長城窟更寒。半夜火來知有敵。一時齊保賀蘭山。

○滁州西澗

韋應物

萋萋幽草澗邊生。切切黃鸝深樹鳴。春潮帶雨晚來急。野渡無人舟自橫。

○楓橋夜泊

張繼

月落烏啼星滿天。江楓漁火間桑田。姑蘇城外寒山寺。夜半鐘聲到客船。

○宿都亭有懷

劉禹錫

雷雨湘江起臥龍。武陵樵客躡仙蹤。十年楚水楓林下。今夜初聞長樂鐘。

○與歌者何戡

二十餘年別帝京。重聞天樂不勝情。舊人唯有何戡在。更與殷勤唱渭城。

○秋思

張籍

洛陽城裏見秋風。欲作家書意萬重。復恐匆匆說不盡。行人臨發又開封。



○浩初上人見貽絕句欲登仙人山因以貽之

柳宗元

珠樹玲瓏隔翠微。病來方外事多違。仙山不屬分符客。一任凌空錫杖飛。

○題延平劍潭

歐陽詹

想像精靈欲見難。通津一去水漫漫。空餘千載凌霜色。長與澄潭白日寒。

○聞白樂天左降江州司馬

元稹

殘燈無焰影幢幢。此夕聞君謫九江。垂死病中驚坐

起。暗風吹雨入寒窗。

○渡桑乾

賈島

客舍并州已十霜。歸心日夜憶咸陽。無端更渡桑乾水。却望并州是故鄉。


○仙人詞

劉基

玉府仙人冰雪姿。生來即遣侍瑤池。五雲隔斷塵凡路。說著人間總不知。

○少年行

下直平明出禁門。提攜博局伴王孫。寶刀不敢將輸





却。明。日。沙。場。欲。報。恩。

○吳王井

曾。開。鑑。影。照。宮。娃。玉。手。牽。絲。帶。露。華。今。日。空。山。僧。自。汲。一。餅。寒。供。佛。前。花。

○山中別寧公歸西塢

一。上。香。臺。看。落。暉。沙。村。孤。樹。晚。依依。老。僧。不。出。青。山。寺。只。有。鐘。聲。送。客。歸。

○戴叔鸞入江夏山圖

歸。隱。初。辭。薦。辟。章。西。風。黃。葉。滿。車。箱。青。牛。只。識。山。中。

路。不。是。無。心。向。洛。陽。

○重登岳陽樓望君山

王英

南。湖。烟。水。接。天。流。天。際。孤。峰。掌。上。浮。欲。弔。湘。君。何。處。是。不。堪。重。倚。岳。陽。樓。

○郊祀歌

李夢陽

壇。官。秉。笏。候。金。鐘。月。出。西。南。照。雪。峰。不。向。蓬。萊。看。五。色。那。知。天。子。是。真。龍。

○贈黃州守

黃。州。江。比。使。君。清。赤。壁。山。留。萬。古。名。黃。州。小。兒。騎。竹。

詩

元集

百四十





馬來時相送去時迎

○雲中曲

白登山寒低朔雲野馬黃羊各一羣  
冒頓會圍漢天子胡兒唯說李將軍

○塞上

天設居庸百二關祁連更隔萬重山  
不知誰放呼延入昨日揚河大戰還

○春日漫興

十日不出花盡開城南城北看花來  
即教閉戶從花

盡莫遣看花不醉迴

○答林炫見懷

方豪

穆江江上半帆歸江草江花映竹扉  
明月長看漁父醉白鷗不道主人非

○登石鍾山望廬嶽

張治

廬嶽亭亭翠幾重懸泉千尺掛飛龍  
石鍾山下江如鏡映出青天五老峯

○寄遠


楊慎

濯錦江頭烟水綠相思萬里人如玉  
瑤琴別後不曾

詩

元集

百四十一





言  
彈今朝才理將歸曲

○流螢篇

蕩子從軍向月支。閨人對影滯秋期。蠶書宛轉連環字。鴈帛殷勤織錦詩。

○塞下曲

唐順之

青袍白馬紫茸鞞。不向沙場便酒樓。夜來一賭青錢盡。尚有囊中血鬪髀。

○擣衣曲

謝榛

秦關昨夜寄書歸。百戰猶隨劉武威。見說平安收淅

淚。梧桐樹下搗寒衣。

○送劉戶曹督餉三楚

李攀龍

洲邊處士題鸚鵡。坡上公孫擁驕驍。到日夏雲生七澤。愁時秋色滿三湘。

○東村同殿卿送子坤赴選

短褐憐君又遠遊。如今白壁好誰酬。座中楚客曾三獻。纔說連城淚已流。


○少年行

裘馬翩翩出建章。青樓日日擁紅妝。纔開春酒茶縻

詩

元集

百四十二





色說甚金莖露未嘗

○早夏示殿卿

長夏園林黃鳥來。百花春酒復新開。主人把酒聽黃鳥。黃鳥一聲酒一杯。

○留別劉公

許邦才

秋風長缺幸生還。明月孤臣入楚關。莫道三年人萬里。天涯消得幾重山。

○汴河守凍

客館寒燈淚滿襟。間關萬里欲歸心。眼前一水冰霜

苦。又說三江瘴癘深。

○寄懷元美

鴻鴈驚秋海上還。片雲孤月蘄門關。奈何昨夜西窗夢。不道千山與萬山。

○席上贈于鱗

不見春風柳復青。故人江海坐漂零。卽今賸有陶家酒。一月休教一日醒。

○與于鱗遊南山初宿天井寺

千峯寒色照驪裘。歲暮還堪載酒遊。初宿南岩天井



寺便聽一夜石泉流


○明皇小車圖

宮門日出乳鴉啼。仙漏沈沈樹影低。朝罷千官無一事。車聲又過壽陽西。

元集終





三教妙述4集



国立国会図書館 タイトル『三教妙述4集』 請求記号 049.2-Sa594

ガラス使用





国立国会図書館 タイトル『三教妙述4集』 請求記号 049.2-Sa594

ガラス使用